


唐十二家詩集

陳子昂 杜審言

肆






漢書門			
三	八	〇	八
一	〇	三	八
冊	架	函	號

內閣文庫			
三	八	〇	八
九	一	〇	八
函	冊	架	號

內閣文庫			
番號	漢	3808	
冊數	10 ( 4 )		
函號	319	141	







陳子昂集目錄

賦類

鷹尾賦

并序

五言古詩

感遇 三十八首

鴛鴦篇

奉和丘禮撫事述懷應制

西還至散關答喬補闕知之

還至張掖古城聞東軍告捷贈帝五虛已

淺草文庫

觀荆玉篇

并序

修竹篇

陳子昂集目錄

度峽口山贈喬補闕知之王二無競

題居延古城贈喬十二知之

薊丘覽古贈盧居士巖用 六首

贈趙六貞固 答韓使同在邊

東征至淇門答宋參軍之問

答洛陽主人 酬暉上人秋夜有贈

酬李參軍旅館見贈 酬暉上人夏日林泉作

同宋參軍之問夢趙六贈盧陳二子之作

送別出塞 別李參軍崇嗣

登薊丘樓送賈兵曹入朝

秋園卧病呈暉上人

五言律詩

度荆門望楚 晚次樂鄉縣

酬暉上人秋夜獨坐山亭有贈

東征答朝臣相送 居延海聞鶯作

詠主人壁上画鶴寄喬主簿崔著作

李三書齋 送魏大從軍

送殷大入蜀 落第西還贈魏四慄

落第西還別劉祭酒高明府

送客

春夜別友人 二首

遂州南江別鄉曲故人

送王學士無競

送梁李二明府

送魏兵曹使雋州

送別崔著作融東征

送陶七

遇崔司議泰之冀侍御珪二使

送著作崔融

月夜有懷

夏日遊暉上人房

春日登金華觀

羣公集畢氏亭

宴胡楚真禁所

魏氏園亭人賦一物得秋庭萱草

五言排律

洛城觀酺應制

白帝城懷古

入東陽峽與李明府舟前後不相及

峴山懷古

入峭峽

宿空舫峽青樹村浦

宿讓河驛浦

萬州曉發放舟乘漲還寄蜀中親朋

贈田逸人遊巖見尋不遇題隱居里壁

贈嚴倉曹乞推命錄

合州津口別舍弟至東陽峽步趨不及眷然有憶  
作以示之

和陸明府贈將軍重出塞

同旻上人傷壽安傳少府

江上暫別蕭四劉三旋欣接遇

遇荊州崔兵曹使

南山家園十韻

臥病家園

于長史山池三日曲水

登澤州城北樓讌

五言絕句

題祀山烽樹贈喬侍御

入峽苦風因寄故鄉親友

題田洗馬遊巖桔槔

古意題著作令壁

贈別冀侍御崔司議

觀風集詩集同類

觀風集詩集同類

入刺苦風因喜姑蘇陳文

觀風集詩集同類

古詩集卷之八

陳子昂集

江東孫伯履公素校

賦

塵尾賦

并序

甲申歲天子在洛陽余始解褐守麟臺正字太子司直宗秦客置酒金谷亭大集賓客酒酣共賦座上食物余為塵尾賦焉

天之浩浩兮物亦云云性命變化兮如絲之棼或以神好正直天蓋默默或以道惡強梁天亦茫茫此仙

都之微獸固何負而罹殃始居幽山之藪食乎豐草  
之鄉不害物以利己每營道而同方何忘情而委代  
而化情之不忘卒罟網以見逼受庖割而罹傷豈不  
以斯尾之有用而殺身於此堂為君彫俎之羞則君  
金盤之實承主人之嘉慶對象筵與寶瑟雖信美於  
茲辰詎同歡於疇昔客有感而歎曰命不可思神亦  
難測吉凶悔吝未始有極借如天道之用莫神於龍  
受戮為醢不知其凶王者之瑞莫聖於麟遇害於野  
不知其仁神亦不能自智聖亦不能自知况林棲而

谷走及山鹿與野麋古人有言天地之心其間無巧  
冥之則順動之則天諒物情之不異我心又何競於  
猜矯故曰天之神明與物推移不為事先動而輒隨  
是以至人無已聖人不知子欲全身而遠害曾是浩  
然而順斯

五言古詩

感遇三十八首

微月生西海幽陽始化昇圓光正東滿陰魄已朝凝  
太極生天地三元更廢興至精諒斯在三五誰能徵



其二

蘭若生春夏，芊蔚何青青。幽獨空林色，朱蕤冒紫莖。  
遲遲白日晚，嫋嫋秋風生。歲華盡搖落，芳意竟何成。

其三

蒼蒼丁零塞，今古緬荒途。亭埃何摧兀，暴骨無全軀。  
黃沙漠南起，白日隱西隅。漢甲三十萬，曾以事匈奴。  
但見沙場死，誰憐塞上孤。

其四

樂羊為魏將，食子殉軍功。骨肉且相薄，他人安得忠。

其五

吾聞中山相，乃屬放麇翁。孤獸猶不忍，況以奉君終。  
市人矜巧智，於道若童蒙。傾奪相誇侈，不知身所終。  
曷見玄真子，觀世玉壺中。窅然遺天地，乘化入無窮。

其六

吾觀龍變化，乃知至陽精。石林何冥密，幽洞無留行。  
古之得仙道，信與元化并。玄感非象識，誰能測淪冥。  
世人拘目見，酣酒笑丹經。崑崙有瑤樹，安得採其英。

其七

白日每不歸青陽時暮矣茫茫吾何思林臥觀無始  
衆芳委時晦鷓鴣鳴悲耳鴻荒古已頽誰識巢居子

其八

吾觀崑崙化日月淪洞冥精魄相交構天壤以羅生  
仲尼推太極老聃貴窈冥西方金仙子崇議乃無明  
空色皆寂滅緣業亦何名成教信紛藉死生俱未停

其九

聖人秘元命懼世亂其真如何嵩公輩詆譎誤時人  
先天誠為美階亂禍誰因長城構胡寇羸禍發其親

赤精既迷漢子年何救秦去去桃李花多言死如麻

其十

深居觀元化怩然爭朵願讒說相啖食利害紛疑疑  
便便夸鬼子榮耀更相持務光讓天下商賈競刀錐  
已矣行采芝萬世同一時

其十一

吾愛鬼谷子青溪無垢氛囊括經世道遺身在白雲  
七雄方龍鬪天下亂無君浮榮不足貴遵養晦時文  
舒之彌宇宙卷之不盈分豈徒山水壽空與麋鹿群

其十二

呦呦南山鹿，罹罟以媒和。  
招搖青桂樹，幽蠹亦成科。  
世情甘近習，榮耀紛如何。  
怨憎未相復，親愛生禍羅。  
瑤臺傾巧笑，玉杯殞雙蛾。  
誰見枯城蘖，青青成斧柯。

其十三

林居病時久，水木澹孤清。  
閒臥觀物化，悠悠念無生。  
青春始萌達，朱火已滿盈。  
徂落方自此，感歎何時平。

其十四

臨岐泣世道，天命良悠悠。  
昔日殷王子，玉馬遂朝周。

寶鼎淪伊穀，瑤臺成故丘。  
西山傷遺老，東陵有故侯。

其十五

貴人難得意，賞愛在須臾。  
莫以心如玉，探他明月珠。  
昔稱天桃子，今為春市徒。  
鴟鴞悲東國，麋鹿泣姑蘇。  
誰見鷗夷子，扁舟去五湖。

其十六

聖人去已久，公道緬良難。  
蚩蚩夸毗子，堯禹以為謾。  
驕榮貴工巧，勢利迭相干。  
燕王尊樂毅，分國願同歡。  
魯連讓齊爵，遺組去邯鄲。  
伊人信往矣，感激為誰歎。

其十七

幽居觀大運悠悠念群生終古代興沒豪聖莫能爭  
三季淪周赧七雄滅秦嬴復聞赤精子提劍入咸京  
炎光既無象晉虜復縱橫堯禹道已昧昏雲勢方行  
豈無當時雄天道與胡兵咄咄安可言時醉而未醒  
仲尼溺東魯伯陽遁西溟大運自古來旅人胡歎哉

其十八

逶迤勢已久骨鯁道斯窮豈無感激者時俗頽此風  
灌園何其鄙皎皎於陵子世道不相容嗟嗟張長公

其十九

聖人不利已憂濟在元元黃屋非堯意瑤臺安可論  
吾聞西方化清淨道彌敦柰何窮金土雕刻以為尊  
雲構山林盡瑤圖珠翠煩鬼功尚未可人力安能存  
夸愚適增累矜智道逾昏

其二十

玄天幽且默群議曷嗷嗷聖人教猶在世運久陵夷  
一繩將何繫憂醉不能持去去行採芝勿為塵所欺

其二十一

蜻蛉遊天地與世本無患飛飛未能止黃雀來相予  
穰侯富秦寵金石比交歡出入咸陽裏諸侯莫敢言  
寧知山東客激怒秦王肝布衣取丞相千載為辛酸

其二十二

微霜知歲宴斧柯始青青况乃金天夕浩露霑群英  
登山望宇宙白日已西暝雲海方蕩瀟孤鱗安得寧

其二十三

翡翠巢南海雄雌珠樹林何知美人意驕愛比黃金  
殺身炎州裏委羽玉堂陰旖旎光首飾歲蕤爛錦衾

豈不在遐遠虞羅忽見尋多材信為累歎息此珍禽

其二十四

挈瓶者誰子姣服當青春三五明月滿盈盈不自珍  
高堂委金玉微縷懸千鈞如何負公鼎被紋笑時人

其二十五

玄蟬號白露茲歲已蹉跎群物從大化孤英將奈何  
瑤臺有青鳥遠食玉山禾崑崙見玄巖豈復虞雲羅

其二十六

荒哉穆天子好與白雲期宮女多怨曠層城閉蛾眉

日耽瑤臺樂豈傷桃李時青苔空萎絕白髮生羅帷  
其二十七

朝發宜都渚浩然思故鄉故鄉不可見路隔巫山陽  
巫山綵雲沒高丘正微茫佇立望已久涕淚沾衣裳  
豈茲越鄉感憶昔楚襄王朝雲無處所荆國亦淪亡

其二十八

昔日章華宴荆王樂荒淫霓旌翠羽蓋射兕雲夢林  
揭來高唐觀悵望雲陽岑雄圖今何在黃雀空哀吟

其二十九

丁亥歲云暮西山事甲兵羸糧匱叩道荷戟爭羗城  
嚴冬嵐陰勁窮岫泄雲生昏曠無晝夜羽檄復相驚  
攀躅競萬仞崩危遠九冥藉藉峯壑裏哀哀冰雪行  
聖人御宇宙聞道泰階平肉食謀何失藜藿緬縱橫

其三十

可憐瑤臺樹灼灼佳人姿碧華映朱食攀拊青春時  
豈不盛光寵榮君白玉墀但恨紅芳歇凋傷感所思

其三十一

竭來豪遊子勢利禍之門如何蘭膏歎感激自生冤

衆趨明所避時棄道猶存雲泉既已失羅網與誰論  
箕山有高節湘水有清源唯應白鷗鳥可為洗心言

其三十二

索居獨樂日炎夏忽然衰陽彩皆陰翳親友盡睽離  
登山望不見涕泣久漣沔宿昔感顏色若與白雲期  
馬上驕豪子驅逐正蚩蚩蜀山與楚水携手在何時

其三十三

金鼎合神丹世人將見欺飛飛騎羊子胡乃在蛾眉  
變化固非類芳菲能幾時疲痾苦淪世憂悔日侵淄

眷然顧幽褐白雲空涕淚

其三十四

朔風吹海樹蕭條邊已秋亭上誰家子哀哀明月樓  
自言幽燕客結髮事遠遊赤丸殺公吏白刃報私讐  
避仇至海上被役此邊州故鄉三千里遼水復悠悠  
每憤胡兵入常為漢國羞何如七十戰白首未封侯

其三十五

本為貴公子平生實愛才感時思報國拔劍起蒿萊  
西馳丁零塞壯上單于臺登山見千里懷古心悠哉

誰言未忘禍磨滅生塵埃

其三十六

浩然坐何慕吾蜀有峨眉念彼楚狂子悠悠白雲期  
時哉悲不會涕泣久漣沔夢登綏山穴南采巫山芝  
探元觀群化遺世從雲螭婉孌將永矣感悟不見之

其三十七

朝入雲中郡壯望單于臺胡秦何密邇沙朔氣雄哉  
藉藉天驕子猖狂已復來塞垣無名將亭堠空崔嵬  
咄嗟吾何歎遺人塗草萊

其三十八

仲尼探元化幽鴻順陽和火運自盈縮春秋迭來過  
盲飈忽號怒萬物相紛劇溟海皆震宕孤鳳其如何

觀荆玉篇

并序

丙戌歲余從左補闕喬公壯征夏四月軍幕次於張  
掖河河洲草木無他異者唯有仙人杖往往叢生幽  
朔地寒與中國稍異予家世好服食昔常餌之及此  
役也而息意茲味戌人有薦嘉蔬者此物存焉韞爾  
而笑曰始者與此君別不圖至是而見之豈非神明



嘉惠將欲扶吾壽也。因為喬公昌言其能。時東萊王仲烈亦同旅。聞之大喜。甘心食之。已旬有五日矣。適有行人自謂能知藥者。謂喬公曰。此白棘也。公何謬哉。仲烈愕然而疑。亦曰。吾怪其味甘。今果如此。喬公信是言。迺譏予作采玉篇。謂宋人不識玉。而寶珉石也。予心知必是。猶以獨見之。故被奪於衆人。乃喟然而歎曰。嗟乎。人之大明者。目也。心之至信者。口也。夫目照五色。口分五味。玄黃甘苦。亦可斷而不惑也。而路傍一議。二子增疑。况君臣之際。朋友之間乎。自是

而觀則萬物之情可見矣。感採玉詠作觀玉篇以答之。并示仲烈譏其失真也。

鴟夷雙白玉。此玉有緇磷。懸之千金價。舉世莫知真。丹青非異色。輕重有殊倫。勿信玉工言。徒悲荆國人。

### 鴛鴦篇

飛飛鴛鴦鳥。舉翼相救虧。俱來綠潭裡。共向白雲涯。音容相眷戀。羽翮兩逶迤。蘋萍戲春渚。霜霰繞寒池。渚沙連岸淨。汀樹拂潭垂。年年此遊翫。歲歲來追隨。鳳凰起丹穴。獨向梧桐枝。鴻鴈來紫塞。空憶稻梁肥。

鳥啼倦永夕。鶴鳴傷別離。豈若此雙禽。飛翻不異林。  
刷尾青江浦。交頸紫山岑。文章負奇色。和鳴多好音。  
聞有鴛鴦綺。復有鴛鴦衾。持為美人贈。勗此故交心。

修竹篇 并序

東方公足下。文章道弊五百年矣。漢魏風骨。晉宋莫  
傳。然而文獻有可徵者。僕嘗暇時。觀齊梁間詩。彩麗  
競繁。而興寄都絕。每以永歎。思古人常恐逶迤頹靡。  
風雅不作。以耿耿也。一昨於解三處見明公詠孤桐  
篇。骨氣端翔。音情頓挫。光英朗練。有金石聲。遂用洗

心節。視發揮幽鬱。不圖正始之音。復覩於茲。可使建  
安作者相視而笑解。君云張茂先何敬祖。東方生與  
其比肩。僕亦以為知言也。故感歎雅製。作修竹詩一  
篇。當有知音。以傳示之。

龍種生南嶽。孤翠鬱亭亭。峯嶺上崇翠。烟雨下微冥。  
夜聞鼯鼠叫。蒼聽泉壑聲。春風正淡蕩。白露已清泠。  
哀響激金奏。密色滋玉英。歲寒霜雪苦。含彩獨青青。  
豈不厭凝冽。羞比春木榮。春木有榮歇。此節無凋零。  
始願與金石。終古保堅貞。不意作倫子。吹之學鳳鳴。

遂偶雲和瑟張樂奏天庭妙曲方千變簫韶亦九成  
信蒙離斷美常願事仙靈驅馳翠虬駕伊鬱紫鸞笙  
結交羸臺女吟弄昇天行携手登白日遠遊戲赤城  
低昂玄鶴舞斷續絲雲生永隨衆仙去三山遊玉京

奉和皇帝正禮撫事述懷應制

大君忘自我應運居紫宸揖讓期明辟謳歌且順人  
軒宮帝圖盛皇極禮容申南面朝萬國東堂會百神  
雲陛旂裳滿天庭玉帛陳鍾石和睿思雷雨被深仁  
承平信娛樂王業本艱辛願罷瑤池宴來觀農扈春

卑宮昭夏德尊老睦堯親微臣敢拜手歌舞頌惟新

西還至散關答喬補闕知之

歲蕤蒼梧鳳嘹唳白露蟬羽翰本非匹結交何獨全  
昔君事胡馬余得奉戎旃携手向沙塞關河緬幽燕  
芳歲樂陽止白日屢徂遷功業雲臺薄平生玉佩捐  
嘆此南歸日猶聞北戍邊代水不可涉巴江亦潺湲  
攬衣度函谷銜涕望秦川蜀門自茲始雲山方浩然  
還至張掖古城聞東軍告捷贈韋五虛已

孟秋首歸路仲月旅邊庭聞道蘭山戰相邀在井陘

屢闢關丹滿三捷虜雲平漢軍追北地胡騎走南庭  
君為幕中士疇昔好言兵白虎鋒應出青龍陣幾成  
披圖見丞相按節入咸京寧知玉門道翻作隴西行  
北海朱旄落東歸白露生縱橫未得意寂寞寡相迎  
負劔空歎息蒼茫登古城

度峽口山贈喬補闕知之王二無競

峽口大漠南橫絕界中國聚石何紛紜赤山復翕絕  
遠望多衆容逼之無異色崔萃乍孤斷逶迤屢迴直  
信關胡馬衝亦距漢邊塞豈伊河山險將順休明德

物壯誠有衰勢雄良易極遷迤忽而盡決漭平不息  
之子黃金軀如何此荒域雲臺盛多士待君丹墀側

題屠廼古城贈喬十二知之

聞君東山意宿昔紫芝榮滄洲今何在華髮旅邊城  
還漢功既薄逐胡策未行徒嗟白日暮坐對黃雲生  
桂枝芳欲晚意欲謗誰明無為空自老含嘆負平生

薊丘覽古贈盧居士蒨用六首

并序

丁酉歲吾北征出自薊門歷觀燕之舊都其城池霸  
迹已蕪昧矣乃慨然仰歎憶昔樂生鄒子群賢之遊

盛矣因登薊樓作六詩以志之寄終南盧居士亦有  
軒轅遺跡也

軒轅臺

古軒轅臺應龍已不見牧馬生黃埃  
尚想廣成子遺跡白雲隈

燕昭王

南登碣石館北望黃金臺丘陵盡喬木昭王安在哉  
伯圖悵已矣驅馬復歸來

樂生

王道已淪昧戰國競貪兵樂生何感激仗義下齊城  
雄圖竟中天道嘆寄阿衡

燕太子

秦王日無道太子怨亦深一聞田光義匕首值千金  
其事雖不立千載為傷心

田光先生

自古皆有死徇義良獨希奈何燕太子尚使田光疑  
伏劍誠已矣感我涕沾衣

鄒子

大運淪三代天人罕有窺鄒子何寡廓謾說九羸垂  
興亡已千載今也則無推

郭隗

逢時獨為貴歷代非無才隗君亦何幸遂起黃金臺  
此詩疑闕二句蓋前皆六句獨此四句非古詩體故也

贈趙六貞固二首

田中烽火入塞上追兵起此時邊朔寒登隴思君子  
東顧望漢京南山雲霧裏

赤螭媚其彩婉戀蒼梧泉昔者瑯琊子躬耕亦慨然

美人豈遐曠之子乃前賢良辰在何許白日屢頽遷  
道心固微密神用無留連舒可彌宇宙歛之不足奉  
蓬蒿久蕪沒金石徒精堅良寶委短褐閒琴獨嬋娟

答韓使同在邊

漢家失中策胡馬屢南驅聞詔安邊使曾是故人謨  
廢書悵懷古負劔許良圖出關歲方宴乘障日多虞  
虜入白登道烽交紫塞途連兵屯北地清野備東胡  
邊城方晏閉斥堠始昭蘇復聞韓長孺辛苦事匈奴  
雨雪顏容改縱橫才位孤空懷老臣策未獲趙軍租

但蒙魏侯重不受謗書誣當取金以祭還歌凱入都  
東征至淇門答宋參軍之問

南星中大火將子涉青淇西林改微月征旆空自持  
碧潭去已遠瑤華折遺誰若問遼陽戍悠悠天際旗

答洛陽主人

平生白雲志早愛赤松遊事親恨未立從宦此中州  
主人亦何問旅客非悠悠方謁明天子清宴奉良籌  
再取連城璧三涉平津侯不能拂衣去歸從海上鷗  
寧隨當代子傾側且沉浮

酬暉上人秋夜山亭有贈

皎皎白林秋微微翠山靜禪居感物變獨坐開軒屏  
風泉夜聲雜月露宵光冷多謝忘機人塵憂未能整

酬李參軍崇嗣旅館見贈

昨夜銀河畔星文犯遙漢今朝紫氣新物色果逢真  
言從天上落乃是地仙人白璧疑寬楚烏裘似入秦  
摧藏多古意歷覽備艱辛樂廣雲雖觀夷吾風未春  
鳳歌空有問龍性詎能馴寶劍終應出驪珠會見珍  
未及馮公老何驚孺子貧青雲儻可致北海憶孫賓

酬暉上人夏日林泉

聞道白雲居，窈窕青蓮宇。巖泉流雜樹，石室千年古。  
林臥對軒窓，山陰滿庭戶。方釋塵勞事，從君襲蘭杜。  
同宋參軍之問夢趙六贈盧陳二子之作

曉霽望嵩嶽，白雲半巖足。氛氳涵翠微，宛如羸臺曲。  
故人昔所尚，幽琴歌斷續。變化竟無常，人琴遂兩忘。  
白雲失處所，夢想曖容光。疇昔疑綠業，儒道兩相妨。  
前期許幽報，迨此尚茫茫。晤言既已失，感歎情何一。  
始憶携手期，雲臺與峨眉。達兼濟天下，窮獨善其時。

諸君推管樂之子，慕巢夷。奈何蒼生望卒為黃綬，  
銘鼎功未立。山林事亦微，撫孤一流慟。懷舊日睽違，  
盧子尚高節。終南卧松雪，宋侯逢聖君。驟馭遊青雲，  
而我獨蹭蹬。語默道猶屯，征戍在遼陽。嗟蛇歲再黃，  
丹丘恨不及。白露已蒼蒼，遠聞山陽賦。感涕下沾裳。

送別出塞

平生聞高義，書劔百夫雄。言登青雲去，非此白頭翁。  
胡兵屯塞下，漢騎屬雲中。君為白馬將，腰佩騂角弓。  
單于不敢射，天子佇深功。蜀山余方隱，良會何時同。



登薊丘樓送賈兵曹入都

東山宿昔意北征非我心孤負平生願感涕下沾襟  
莫登薊樓上永望燕山岑遼海方漫漫胡沙飛且深  
峨眉杳如夢仙子曷由尋擊劍起嘆息白日忽西沉  
聞君洛陽使因子寄南音

別李參軍崇嗣

四十九變化一十三死生翕忽玄黃裏驅馳風雨情  
是非紛妄作寵辱坐相驚至人獨幽鑒窈窕隨昏明  
咫尺山河道軒窓日月庭別離馬足問悲樂固能并

我輩何為爾栖皇猶未平金臺可攀陟寶界絕將迎  
戶牖觀天地階基上杳冥自超三界樂安知萬里征  
中國要荒內人寰宇宙縈弦望如朝久寧嗟蜀道行  
秋園臥病呈暉上人

幽寂曠日遙林園轉清密疲疴澹無豫獨坐泛瑤瑟  
懷挾萬古情憂虞百年疾綿綿多滯念忽忽每如失  
緬想赤松遊高尋白雲逸榮吝始都喪幽人遂貞吉  
圖書紛滿牀山木藹盈室宿昔心所尚平生自茲畢  
願言誰見知梵筵有同術八月高秋晚涼風正蕭瑟

五言律詩

度荆門望楚

遙遙去巫峽望望下章臺巴國山川盡荆門煙霧開  
城分蒼野外樹斷白雲隈今日狂歌客誰知入楚來

晚次樂鄉縣

故鄉杳無際日暮且孤征川原迷舊國道路入邊城  
野戍荒煙斷深山古木平如何此時恨噉噉夜猿鳴

酬暉上人秋夜獨坐山亭有贈

鐘梵經行處香林坐入禪巖庭交雜樹石瀨瀉鳴泉

水月心方寂雲霞思獨玄寧知人世裏疲病得攀緣

東征答朝臣相送

平生白雲意疲繭愧為雄君王謬殊寵旌節此從戎  
按繩當繫虜單馬豈邀功孤劍將何託長謠塞上風

詠主人壁上畫鶴寄番主簿崔著作

古壁仙人畫丹青尚有文獨舞紛如雪孤飛曠似雲  
自矜彩色重寧憶故池群江海聯翩翼長鳴誰復聞

居延海聞鶯同作

邊地無芳樹鶯聲忽聽新間關如有意愁絕若懷人

明妃失漢寵，蔡女沒胡塵。坐聞應落淚，况憶故園春。  
李三書齋

灼灼青春仲，悠悠白日昇。聲容何足恃，榮吝坐相矜。  
願與金庭會，將待玉書徵。還丹應有術，烟駕共君乘。  
送魏大從軍

匈奴猶未滅，魏絳復從戎。悵別三河道，言追六郡雄。  
鴈山橫代北，狐塞接雲中。勿使燕然上，惟留漢將功。  
送魏大入蜀

蜀山金碧路，此地饒英靈。送君一為別，悽斷故鄉情。  
片雲生極浦，斜日隱離亭。坐看征騎没，唯見遠山青。  
落第西還別劉祭酒高明府

別館分周國，歸驂入漢京。地連函谷塞，川接廣陽城。  
望迥樓臺出，途遙烟霧生。莫言長落羽，貧賤一交情。  
落第西還別魏四慄

轉蓬方不定，落羽自驚絃。山水一為別，歡娛復幾年。  
離亭暗風雨，征路入雲煙。還因北山逕，歸守東陂田。  
送客

故人洞庭去，楊柳春風生。相送河洲晚，蒼茫別思盈。

白蘋已堪把綠芷復含榮江南多桂樹歸客贈平生

春夜別友人二首

銀燭吐青煙金樽對綺筵離堂思琴瑟別路繞山川  
明月隱高樹長河沒曉天悠悠洛陽去此會在何年

其二

紫塞白雲斷青春明月初對此芳尊夜離憂悵有餘  
清冷花露滿滴瀝簷宇虞懷君欲何贈願上大臣書

遂州南江別鄉曲故人

楚江復為客征棹方悠悠故人憫追送置酒此南洲

平生亦何恨夙昔在林丘違此鄉山別長謠去國愁

送東萊王學士無競

寶劍千金買平生未許人懷君萬里別持贈結交親  
孤松宜晚歲衆木愛芳春已矣將何道無令白首新

送梁李二明府

負書猶在漢懷策未聞秦復此窮秋日芳尊別故人  
黃金裝屢盡白首契逾新空羨雙鳧鳥俱飛向玉輪

送魏兵曹使嵩州

陽山淫霧雨之子慎攀登羗竿多珍寶人言有愛憎

思酬明主惠，當盡使臣能。勿以王陽歎，邛道畏峻嶒。  
送別崔著作融東征

金天方肅殺，白露始專征。王師非樂戰，之子慎佳兵。  
海氣侵南部，邊風掃北平。莫賣盧龍塞，歸邀麟閣名。

送陶七

黃鶴煙雲去，青江琴酒同。離帆方楚越，溝水復西東。  
芙蓉生夏浦，楊柳送春風。明日相思處，應對菊花叢。

遇崔司議奉之冀侍御珪二使

謝病南山下，幽卧不知春。使星入東井，云是故交親。

惠風吹寶瑟，微月憶清真。憑軒一留醉，江海寄情人。

送崔著作融

薊樓望燕國，負劍喜茲登。清規子方奏，單戟我無能。  
仲冬邊風急，雲漢復霜稜。慷慨竟何道，西南限失朋。

月夜有懷

美人挾趙瑟，微月在西軒。寂寞夜何久，殷勤玉指繁。  
清光委衾枕，遙思屬湘沅。空簾隔星漢，猶夢感精魂。

夏日遊暉上人山房

山水開精舍，琴歌列梵筵。人疑白樓賞，地似竹林禪。

對戶池光亂交軒巖翠連色空今已寂乘月弄澄泉

春日登金華觀

白玉仙臺古丹丘別望遙山川亂雲日樓榭入烟霄  
鶴舞千年樹虹飛百尺橋還疑赤松子天路坐相邀

羣公集畢氏亭

金門有遺士鼎寶恣和邦默語誰能識琴尊寄北窻  
子牟戀魏闕漁父愛滄江良時信同此歲晚迹雙雙

宴胡楚真禁所

人生固有命天道信無言青蠅一相點白壁遂成冤

靜室閒逾邃幽庭春未暄寄語韓安國何驚獄吏尊

魏氏園亭人賦一物得秋庭萱草

昔時幽徑裏榮耀雜春叢今來玉墀上消歇畏秋風  
細葉猶含綠鮮花未吐紅忘憂誰見賞空此北堂中

五言排律

洛城觀醵應制

聖人信恭已天命允昭回蒼極神功被青雲祕籙開  
垂衣受金冊張樂宴瑤臺雲鳳休微滿魚龍雜戲來  
崇恩踰五日惠澤暢三才玉帛群臣醉徽章縟禮詼

方觀升中禪言觀拜洛迴微臣固多幸敢上萬年杯

白帝城懷古

日落滄江晚停橈問土風城臨巴子國臺沒漢王宮  
荒服仍周甸深山尚禹功巖懸青壁斷地險碧流通  
古木生雲際歸帆出霧中川途去無限客思坐何窮  
入東陽峽與李明府舟前後不相及

東巖初解纜南浦遂離群出没同洲島沿洄異渚濱  
風煙猶可望歌笑浩難聞路轉青山合峯迴白日曛  
奔濤上漫漫積浪下沄沄倏忽猶疑及差池復兩分

離離間遠樹藹藹沒遙氛地入巴陵道星連牛斗文  
孤狄啼寒月哀鴻叫斷雲仙舟不可見遙思坐氛氲

峴山懷古

秣馬臨荒甸登高覽舊都猶悲墮淚碣尚想臥龍圖  
城邑遙分楚山川半入吳丘陵徒自出賢聖幾凋枯  
野樹蒼煙斷津樓晚氣孤誰知萬里客懷古正踟躕

入峭峽

肅徒歌伐木驚檝漾輕舟靡迤隨迴水潺湲泝淺流  
烟沙分兩岸霧島夾雙洲古樹連雲密交峯入浪浮

巖潭相映媚溪谷屢環周路迥光逾逼山深興轉幽  
麝鼯寒思晚猿鳥暮聲秋誓息蘭臺策將從桂樹遊  
因書謝親愛千歲覓蓬丘

宿空舸峽青樹村浦

的的明月水啾啾寒夜猿客思浩方亂洲浦寂無喧  
憶昨千金子寧知九逝魂虛聞事朱闕結綬驚華軒  
委別高堂愛窺覲明主恩今成轉蓬去歎息復何言

宿讓河驛浦

沿流辭北渚結纜宿南洲合岸昏初夕迴塘暗不流

臥聞塞鴻斷坐聽峽猿愁沙浦明如月汀葭晦若秋  
不及能鳴鴈徒思海上鷗天河殊未曉滄海信悠悠  
萬州曉發放舟乘漲還寄蜀中親朋

空濛巖雨霽爛熳曉雲歸肅旅乘明發奔橈驚斷機  
蒼茫林岫轉絡繹漲濤飛遠岸孤烟出遙峯曙日微  
前瞻未能眴坐望已相依曲直多今古經過失是非  
還期方浩浩征思日駢駢寄謝千金子江海事多違  
贈嚴倉曹乞推命錄

少學縱橫術遊楚復遊燕栖遑長委命富貴未知天



聞道沉冥客。青囊有祕篇。九宮探萬象。三筭極重玄。  
願奉唐生訣。將知躍馬年。非因墨翟問。空滯至龍川。  
酬申逸人遊巖見尋不遇題隱居里壁  
遊人獻書去。薄暮返靈臺。傳道尋仙友。青囊賣卜來。  
聞鶯忽相訪。題鳳久徘徊。石髓空盈握。金經祕不開。  
還疑縫掖子。復似洛陽才。

合州津口別舍弟至東陽峽步趨不及眷然  
有憶作以示之

江潭共為客。洲浦獨迷津。思積芳庭樹。心斷白眉人。  
同衾成楚越。別島類胡秦。林岸隨天轉。雲峯逐望新。  
遙遙終不見。默默坐含嚔。念別疑三別。經遊未一旬。  
孤舟多逸興。誰共爾為鄰。

和陸明府贈將軍重出塞

忽聞天上將。關塞重橫行。始返樓蘭國。還向朔方城。  
黃金裝戰馬。白羽集神兵。星月開天陣。山川列地營。  
曉風吹畫角。春色耀飛旌。寧知班定遠。猶是一書生。  
同果上人傷壽安傳少府

生涯良浩浩。天命固諄諄。聞道神仙尉。懷德遂為鄰。

疇昔逢堯日，衣冠仕漢辰。交遊紛若鳳，詞翰宛如麟。  
太息勞黃綬，長思謁紫宸。金蘭徒有契，玉樹已埋塵。  
把臂雖無託，平生固亦親。援琴一流涕，舊館幾沾巾。  
杳杳泉中夜，悠悠世上春。幽明長隔此，歌哭為何人。

江上暫別蕭四劉三旋欣接遇

昨夜滄江別，言乖天漢遊。寧期此相遇，尚接武陵洲。  
結綬還逢青，銜杯且對劉。波潭一瀾瀾，臨望幾悠悠。  
山水丹青雜，煙雲紫翠浮。終愧神仙友，來接野人舟。

遇荊州崔兵曹使

輜軒鳳皇使，林藪鸚鵡冠。江湖一相許，雲霧坐交歡。  
興盡崔亭伯，言忘釋道安。秋光稍欲暮，歲物已將闌。  
古樹蒼烟斷，虛庭白露寒。瑤琴山水曲，今日為君彈。  
南山家園，林木交映。盛夏五月，幽然清涼。獨  
坐思遠，率成十韻。

寂寥守窮巷，幽獨卧空林。松竹生虛白，階庭懷古今。  
鬱蒸炎夏晚，棟宇闕清陰。軒窓交紫靄，簷戶對蒼岑。  
鳳蘊仙人籟，鸞歌素女琴。忘機委人代，閉牖察天心。  
蛺蝶憐紅藥，蜻蜒愛碧潯。坐觀萬象化，方見百年侵。

擾擾將何息，青青長苦吟。願隨白雲駕，龍鶴相招尋。

臥病家園

世上無名子，人間歲月賒。縱橫策已棄，寂寞道為家。  
臥病誰能問，閒居空物華。猶憶靈臺友，棲真隱太霞。  
還丹奔日御，却老餌雲芽。寧知白社客，不厭青門瓜。

于長史山池三日曲水宴

摘蘭藉芳日，夜宴坐迴汀。汎灑清流滿，歲蕤白芷生。  
金絃揮趙瑟，玉柱弄秦箏。巖榭風光媚，郊原春樹平。  
烟花飛御道，羅綺照昆明。日落紅塵合，車馬亂縱橫。

登澤州城北樓讌

平生倦遊者，觀化久無窮。復來登此國，臨望與君同。  
坐見秦兵壘，遙聞趙將雄。武安君何在，長平事已空。  
且歌玄雲曲，御酒舞薰風。勿使青衿子，嗟爾白頭翁。  
五言絕句

贈喬侍御

漢廷榮巧宦，雲閣薄邊功。可憐驄馬使，白首為誰雄。  
初入峽，苦風寄故鄉親友。

故鄉今日友，歡會坐應同。寧知巴峽路，辛苦石尤風。

陳子昂

二十九

題申洗馬遊巖桔槔

望苑長為客商山遂不歸誰憐北陵井未息漢陰機

古意題著作令壁

白雲蒼梧來氛氳萬里色問君太平世棲泊靈臺側

贈別冀侍御崔司議

有道君匡國無機余在林白雲峨眉上歲晚來相尋

壬辰三月初十日當快意已北快堂林士儔甫如

朱于燈下

陳子昂集終

杜審言集目錄

五言古詩

南海亂石山作

送和西蕃使

五言律詩

經行嵐州

望春亭侍宴應制

宿羽亭侍宴應制

大酺

秋夜宴臨津鄭明府宅

和康五望月有懷

登襄陽城

旅寓安南

春日懷歸

代張侍御傷美人

杜審言集目錄

送高郎中北使

都尉山亭

和韋承慶過義陽公主山池

五首

夏日過鄭七山齋

送崔融

和晉陵陸丞早春遊望

蓬萊三殿侍宴奉勅詠終南山

七夕侍宴應制

重九日宴江陰

除夜有懷

晦日宴遊

歲夜安樂公主滿月侍宴應制

賦得妾薄命

七夕

七言律詩

春日京中有懷

大酺

守歲侍宴應制

五言排律

和李大夫嗣真奉使存撫河東

扈從出長安應制

春日江津遊望

泛舟送鄭卿入京

度石門山

贈崔融

贈蘇味道

七言絕句

贈蘇綰書記

戲贈趙使君美人

渡湘江

皇孫出身安劉沛

未日工半遊空

吓李大夫國真奉對并無所求

五言壯事

帝嶽封寧熟味

春日京中作

天翻

小言壯事

杜審言集

江東孫伯履公素校

五言古詩

南海亂石山作

漲海積稽天，群山高業地。相傳稱亂石，圖典失其事。  
懸危悉可驚，大小都不類。乍將雲鳥極，還與星河次。  
上聳忽如飛，下臨仍欲墜。朝暎赭丹紫，交魄炯青翠。  
穹崇霧雨蓄，幽隱靈仙閤。萬尋掛鶴巢，千丈垂猿臂。  
昔去景風涉，今來姑洗至。觀此得詠歌，長時想精異。

送和西蕃使

使出鳳凰池京師陽春晚聖朝尚邊策詔諭兵戈偃  
拜手明光殿搖心上林苑種落踰青羗關山度赤坂  
疆場及無事雅歌而餐飯寧獨錫和戎更當封定遠

五言律詩

經行嵐州

北地春光晚邊城氣候寒往來花不發新舊雪仍殘  
水作琴中聽山疑畫裏看自驚牽遠役艱險促征鞍

望春亭侍遊應詔

帝出明光殿天臨太液池堯樽隨步輦舜樂繞行麾  
萬壽禎祥獻三春景物滋小臣同酌海歌頌答無為

宿羽亭侍宴應制

步輦千門出離宮二月開風光新柳報宴賞落花催  
碧水搖空閣青山繞吹臺聖情留晚興歌管送餘杯

大酺

聖后乘乾日皇明御曆辰紫宮初啓坐蒼壁正臨春  
雷雨垂膏澤金錢贈下人詔酺歡賞遍交泰觀惟新  
秋夜宴臨津鄭明府宅

行止皆無地招尋獨有君酒中堪累月身外即浮雲  
露白宵鐘徹風清曉漏聞坐攜餘興往還似未離群

和康五望月有懷

明月高秋迥愁人獨夜看暫將弓並曲翻與扇俱團  
露濯清輝苦風飄素影寒羅衣一此鑒頓使別離難

登襄陽城

旅客三秋至層城四望開楚山橫地出漢水接天來  
冠蓋非新里章華即舊臺池風景異歸路滿塵埃

旅寓安南

交趾殊風候寒遲暖復催仲冬山果熟正月野花開  
積雨生昏霧輕霜下震雷故鄉踰萬里客思倍從來

春日懷歸

心是傷歸望春歸異往年河山鑒魏闕桑梓憶秦川  
花雜芳園鳥風和綠野煙更懷歡賞地車馬洛橋邊

代張侍御傷美人

二八泉扉掩帷屏寵愛空淚痕銷夜燭愁緒亂春風  
巧笑人疑在新粧曲未終應憐脂粉氣猶着舞衣中

送高郎中北使



壯狄願和親。東京黷使臣。馬銜邊地雪。衣染異方塵。  
歲月催行旅。恩榮變苦辛。歌鐘期重錫。拜手落花春。

都尉山亭

紫藤縈葛藟。綠刺罨薔薇。下釣看魚躍。探巢畏鳥飛。  
葉疎荷已晚。枝亞果新肥。勝迹都無限。只應伴月歸。

和常承慶過義陽公主山池五首

野興城中發。朝英物外求。情懸朱紱望。契動赤泉游。  
海燕巢書閣。山鷄舞畫樓。雨餘清晚夏。共坐北窗幽。

其二

逕轉危峰逼。橋通缺岸妨。玉泉移酒味。石髓換饅香。  
縮霧青絲弱。牽風紫蔓長。猶言宴樂少。別向後池塘。

其三

携琴遶碧沙。搖筆弄青霞。杜若幽庭草。芙蓉曲沼花。  
宴游成野客。形勝得山家。往往留仙步。登攀日易斜。

其四

攢石當軒倚。懸泉度牖飛。鹿麕銜妓席。鶴子曳童衣。  
園果嘗難遍。池蓮摘未稀。卷簾唯待月。應在醉中歸。

其五

賞翫奇他日，高深愛此時。池分八水嶺，峯作九山疑。  
地靜魚偏逸，人閑鳥欲欺。青溪留別興，更與白雲期。

夏日過鄭七山齋

共樽中好言，尋谷口來。薜蘿山徑入，荷芰水亭開。  
日氣含殘雨，雲陰送晚雷。洛陽鐘鼓至，車馬繫遲回。

送崔融

君王行出將，書記遠從征。祖帳連河關，軍麾動洛城。  
旌旗朝朔氣，笳吹夜邊聲。坐覺烟塵掃，秋風古北平。

和晉陵陸丞早春游望

獨有宦遊人，偏驚物候新。雲霞出海曙，梅柳度江春。  
淑氣催黃鳥，晴光轉綠蘋。忽聞歌古調，歸思欲雲巾。

蓬萊三殿侍宴奉勅詠終南山應制

北斗掛城邊，南山倚殿前。雲標金闕迥，樹杪玉堂懸。  
半嶺通佳氣，中峯繞瑞烟。小臣持獻壽，長此戴堯天。

七夕侍宴應制

一年銜別怨，七夕始言歸。歛淚開星靨，微步動雲衣。  
天迥兔欲落，河曠鵲停飛。那堪盡此夜，復徃弄殘機。

重九日宴江陰

蟋蟀期歸晚，茱萸節候新。降霜青女月，送酒白衣人。  
高興要長壽，卑棲隔近臣。龍沙即此地，舊俗坐為鄰。

除夜有懷

故節當歌守，新年把燭迎。冬氛戀虬箭，春色候鷄鳴。  
興盡聞壺覆，宵闌見斗橫。還將億萬壽，更謁九重城。

歲夜安樂公主滿月侍宴應制

戚里生昌胤，天杯宴重臣。畫樓初滿月，香殿早迎春。  
睿作堯君寶，孫謀梁國珍。明朝元會日，萬壽樂章陳。

晦日宴遊

日晦隨萸糞，春晴著杏花。解紳宜就水，張幕會連沙。  
歌管風輕度，池臺日半斜。更看金谷騎，爭向石崇家。

賦得妾薄命

草綠長門掩，苔青永巷幽。寵移新愛奪，淚落故情留。  
啼鳥驚殘夢，飛花攪獨愁。自憐春色罷，團扇復迎秋。

七夕

白露含明月，青霞斷絳河。天街七襄轉，閣道二神過。  
袿服鏘環珮，香筵拂綺羅。年年今夜盡，機杼別情多。

七言律詩

春日京中有懷

今年遊寓獨遊春，愁思看春不當春。  
上林苑裡花徒發，細柳營前葉漫新。  
公子南橋應盡興，將軍西地幾留賓。  
寄語洛城風日道，明年春色倍還人。

大酺

昆陵震澤九州通，士女懽娛萬國同。  
伐鼓撞鐘驚海上，新粧袞服照江東。  
梅花落處疑殘雪，柳葉開時任好風。  
火德雲官逢道泰，天長地久屬年豐。

守歲侍宴應制

季冬除夜接新年，帝子王孫捧御筵。  
宮闕星河低拂樹，殿庭燈燭上薰天。  
彈絃奏節梅風入，對局探鈎柏酒傳。  
欲向正元歌萬壽，暫留歡賞寄春前。

五言排律

和李大夫嗣真奉使存撫河東

六位乾坤動，三微曆數遷。  
謳歌移火德，圖讖在金天。  
子月開階統，房星受命年。  
禎符龍馬出，寶錄鳳皇傳。  
地即交風雨，都仍卜澗瀍。  
明堂惟御極，清廟乃尊先。  
不宰神功運，無為大衆懸。  
八荒平物上，四海接人烟。

已屬群生泰猶言至道偏璽書傍問俗旌節近推賢  
秩比司空位官臨御史負推辭執刀筆直諫罷樓船  
國有大臣器朝加小會筵將行備禮樂送別仰神仙  
城闕周京轉關河陝伏連稍觀汾水曲俄指絳臺前  
姑射聊長望平陽遂宛然霏耕餘草木禹鑿舊山川  
昔出諸侯爭無何霸業全中軍歸戰敵外府絕兵權  
隱隱帝鄉遠瞻瞻肅命虔西河偃風俗東壁掛星躔  
井邑粉榆社陵園松柏田榮光晴掩代佳氣晚侵燕  
雨霈鴻私滌風行睿旨宣惇嫠訪疾苦屠釣採貞堅

人樂逢刑措時康洽賞延賜踰秦氏級恩倍漢家錢  
擁傳咸翹首稱觴競比肩拜迎彌道路詠舞益郊廛  
殺氣西衝白窮陰壯暝玄飛霜遙渡海殘月迥臨邊  
緬邈朝廷問周流朔塞旋興來探馬策俊發掘龍泉  
學總八千卷文傾三百篇澄清得使者作頌有人焉  
莫以崇班閔而云勝托指偉材何磊落陋質幾翩翾  
江海寧為讓巴渝轉自牽一聞歌聖道助曲荷陶甄  
扈從出長安應制

分野都畿列時乘六御均京師舊西幸洛道此東巡

文物驅三統。聲名走百神。龍旗縈漏夕。鳳輦拂鈞陳。  
撫迹地靈古。游情皇鑒新。山追散馬日。水憶釣魚人。  
禹食傳中使。堯樽遍下臣。省方稱國阜。問道識風淳。  
歲晚天行吉。年豐景從親。歡娛包歷代。宇宙忽疑春。

春日江津遊望

旅客搖邊思。春江弄晚晴。烟銷垂柳弱。霧捲落花輕。  
飛棹乘空下。回流向日平。鳥啼移幾處。蝶舞亂相迎。  
忽歎人皆濁。隄防水至清。谷王常不讓。深可戒中盈。

泛舟送鄭卿入京

帝坐蓬萊殿。恩追社稷臣。長安遙向日。宗伯正乘春。  
相宅開基地。傾都送別人。行舟縈綠水。列戟滿紅塵。  
酒助歡娛洽。風催景氣新。此時光乃命。誰為惜無津。

度石門山

石門千仞斷。迸水落遙空。道束懸崖半。橋歎絕澗中。  
仰攀人屢息。直下騎才通。泥擁奔馳徑。雲埋伏獸叢。  
星躔牛斗壯。地脉象牙東。開塞隨行變。高深觸望同。  
江聲連驟雨。日氣抱殘虹。未改朱明律。先含白露風。  
堅貞深不憚。險澀諒難窮。有異登臨賞。徒為造化功。

贈崔融二十韻

十年俱薄宦，萬里各他方。雲天斷書札，風土異炎涼。  
太息幽蘭紫，勞歌竒樹黃。日疑懷叔康，夜似憶真長。  
北使從江左，東歸在洛陽。相逢慰疇昔，相對叙存亡。  
草深窮巷敗，竹盡故園荒。稚節君彌固，衰顏余自傷。  
人事盈虛改，交游寵辱妨。雀羅爭去翟，鶴氅競尋王。  
思極歡娛至，朋情詎可忘。連騎追佳賞，城中及路傍。  
琴尊橫宴席，岳谷卧詞場。三川宿雨霽，四月晚花芳。  
復以開懸榻，寧唯入後堂。興酣鵠鶴舞，言洽鳳皇翔。

高選俄遷秩，嚴程已飭裝。撫躬銜道義，攜手戀輝光。  
玉振先推美，金銘舊所防。勿嗟離別易，行役共時康。

贈蘇味道

壯地寒應苦，南庭戍不歸。邊聲亂羌笛，朔氣卷戎衣。  
雨雪關山暗，風霜草木稀。胡兵戰欲盡，漢卒尚重圍。  
雲淨妖星落，秋深塞馬肥。據鞍雄劍動，插筆羽書飛。  
輿駕還京邑，朋游滿帝畿。方期來獻凱，歌舞共春輝。

七言絕句

贈蘇綰書記

知君書記本翩翩為許從戎赴朔邊紅粉樓中應計  
日燕支山下莫經年

渡湘江

遲日園林悲昔遊今春花鳥作邊愁獨憐京國人南  
窳不似湘江水北流

戲贈趙使君美人

紅粉青娥映楚雲桃花馬上石榴裙羅敷獨向東方  
去謾學他家作使君

杜審言集

終

壬辰季春拾四日公朱了

快堂林德甫

